



Universitätsbibliothek Paderborn

**Francisci Baconi Baronis de Verulamio, Vice-Comitis S.
Albani, Summi Angliæ Cancellarii, Opera omnia, Quæ
extant: Philosophica, Moralia, Politica, Historica ...**

Bacon, Francis

Francofurti ad Moenvm, 1665

Parasceve Ad Historiam Naturalem, Et Experimentalem. Descriptio
Historiæ Naturalis, & Experimentalis, Qualis sufficiat, & sit in ordine ad
Basin, & Fundamenta Philosophiæ veræ.

urn:nbn:de:bvb:12-bsb10497643-5

PARASCEVE
AD
HISTORIAM NATURALEM,
ET
EXPERIMENTALEM.
DESCRIPTIO
HISTORIÆ NATURALIS,
&
EXPERIMENTALIS,

Qualis sufficiat, & sit in ordine ad Basin, & Fundamenta
Philosophiae veræ.

Quod *Institutionem nostram per partes edamus*, id eo spectat, ut aliquid extra periculum ponatur. Non ab imilius nos moveret ratio, ut aliam quandam Operis particularam jam in praesenti sub jungamus, & cum iis que supra absolvimus, una edamus. Ea est *Descriptio & Delineatio Historia Naturalis & Experimentalis*, ejus generis, quæ sit in ordine ad condendam Philosophiam, & complectetur Materiem probam, copiosam, & apte deglatam ad opus Interpretis quod succedit. Huic autem rei locus proprius foret quum ad *Parascevas Inquisitionis* ordine devenut fuerit. Hoc vero præverte, nec locum proprium expectare, confutius nobis videtur; quod hujusmodi Historia, qualem animo metimur, & mox describemus, res per quam magna sit Molis, nec sine magnis laboribus & sumptibus confici possit; ut quæ multorum opera indigent, & (ut alibi diximus) opus sit quasi Regium. Itaque occurrit illud, non abs te fore experiri, si forte haec aliquibus aliis curæ esse possint; ita ut, dum nos destinata ordine perficiamus, haec pars, quæ tam multiplex est & onerosa, etiam vivis nobis (si ita Divina placuerit Majestati) instrui & parati possit, aliis una nobiscum in id sedulo incumbentibus, præsertim quum vires nostræ (si in hoc soli fuerimus) vix tante provincia sufficere videantur. Etenim quæ ad Opus ipsum Intellectus pertinent nos, Marte nostro fortasse vincemus. At Intellectus Materialis tam late patent, ut ea (tamquam per Procuratores & Mercatores) undique conquiri & importari debeat. Accedit etiam illud, quod Cœptis nostris vix dignum esse aestimamus, ut in tali, que ferè omnium Industria patet, nos ipsi tempus teramus. Quod autem Caput rei est, Ipsi nunc præstabimus; ut eusmodi Historia Modum & Descriptionem, qualis Intentioni nostræ satisfaciat, diligenter & exacte proponamus; ne homines non admomiti aliud agant, & ad Exemplum Naturalium Historiarum, quæ jam in usu sunt, se regant, atque ab Instituto nostro multum aberrent. Illud interim quod sepe diximus etiam hoc loco præcipue repetendum est: Non, si omnia omnium Æstatum ingenia coivissent, aut posthac coierint; non, si universum genus humaanum Philosophiae dedisset operam, aut dederit; & totius Terrarum Orbis nihil aliud fuisset, quam Academia, & Collegia, & Scholæ virorum doctorum; tamen absque tali, qualem nunc præciemus, Historia Naturali & Experimentali, ullos,

qui genere humano digni sint, progressus in Philosophia & Scientiis, fieri potuisse: contra vero, comparata & bene instructa hujusmodi Historia, additis Experimentis Auxiliariibus & Luciferis, quæ in ipso Interpretationis Curriculo occurrent aut eruenda erunt; paucorum Annorum opus futuram esse Inquisitionem Naturæ & Scientiarum omnium. Itaque aut hoc agendum est, aut Negotium deferendum. Hoc enim solo & unico modo Fundamenta Philosophiae veræ & Activæ stabiliri possunt; Et simul perspicient homines, tanquam ex profundo somno excitati, quid inter Ingenii Placita & Commenta, ac Veram & Activam Philosophiam intersit; & quid demum sit, de Natura Naturam ipsam consulere.

Primo igitur de hujusmodi Historia conficienda præcepta dabimus in genere. Deinde particularem ejus Figuram hominibus sub oculos ponimus: Inferentes interdum non minus *Ad quid Inquisitio aptanda & referenda sit*, quam *Quid quæri debeat*. Scilicet, ut Scopus rei bene intellectus & prævisus, etiam alia hominibus in mentem redigat, quæ à Nobis fortasse prætermissa erunt. Historiam autem istam *Historiam primam*, sive *Historiam Matrem* appellare consuevimus.

APHORISMI

de

CONFICIENDA HISTORIA

Prima.

APHORISMVS

I.

Natura in triplici Statu ponitur, & tanquam Regimen subit trinum. Aut enim libera est, & cursu suo ordinatio se explicat; aut à pravitatibus & insolentiis Materiæ, atque ab Impedimentorum violentia, de statu suo detruditur, aut ab arte & ministerio humano constringitur & singitur. Atque Primus ille Status ad *Species* rerum refertur; Secundus ad *Monstra*; Tertius ad *Artificialia*. Etenim in Artificialibus Natura jugum recipit ab Imperio Hominis; nunquam enim illa facta fuisse absque Homine. At per operam & ministerium Hominis conspicitur prorsus nova Corporum Facies, & veluti Rerum Universitas altera, sive Theatrum alterum. Triples itaque est Historia Naturalis. Tractat enim aut *Naturæ Libertatem*, aut *Errores*, aut *Vincula*; ut non male eam parti possimus, in *Historiam Generationum*, *Prætergentrationum*, & *Artium*; quartum postremam etiam

Mechan-

Mechanicam & Experimentalem appellare con-suevimus. Neque tamen id præcipimus, ut hæc tria separatis tractentur. Quidni enim possint Historia Monstrorum in singulis Speciebus cum Historia ipsarum Specierum conjungi? Etiam Artificialia quandoque cum Speciebus recte con-junguntur, quandoque melius separatantur. Quam-obrem è re nata de his consilium capere optimum est. Methodus enim iterationes & prolixitatem gi-gavit, que ubi nimia est, ac ubi nulla.

II.

Historia Naturalis, ut *Subiecto* (quemadmo-dum diximus) triplex, ita *Usu* duplex est. Ad-hibetur enim aut propter return ipsarum cognitionem, quæ Historiae mandantur; aut tanquam Materia prima Philosophie, atque vera Inductio-nis Supellex sive *Sylva*. Atque Posterioris hoc nunc agitur; Nunc, inquam; neque unquam antehac. Neque enim *Aristoteles*, aut *Theophrastus*, aut *Dio-scrides*, aut *Caius Plinius*, multo minus moderni, hunc finem (de quo loquimur) Historia Naturali-s unquam sibi propounderunt. Atque in hoc pluri-mum est, ut qui partes scribendi Historiam Natu-ralem sibi posthac sumperint, hoc perpetuo cogi-tent, atque animo agitant, se non *Lectoris* dele-tationi, non utilitati ipsi, quæ ex Narrationibus in praesenti capi possit, debere inservire, sed con-quirere & comparare Rerum Copiam & varietatem, quæ veris Axiomatibus conficiendis sufficiat. Hoc enim si cogitent, Modum hujusmodi Historiæ ipsi sibi præstibent. Finis enim regit modum.

III.

Quo autem majoris est hæc res opera & labo-ris; eo illam minus onerari superfluis con-sentaneum est. Tria itaque sunt, de quibus Homi-nes sunt plane admonendi, ut in illis parce admodum operam suam collocent; tanquam iis quæ ma-slam Operis in immensum augeant, virtutem parum aut nihil promoveant.

Primo igitur facessant Antiquitates, & Cita-tiones, aut Suffragia Authorum; etiam Lites, & Con-troversiae, & Opiniones discrepantes; omnia deni-que Philologica. Neque enim citetur Author, nisi in re dubia fidei; neque interponatur Controver-sia, nisi in re magni momenti. Quæ vero ad Orna-menta Orationis, & Similitudines, & Eloquentiæ Thesaurum, & hujusmodi inania spectant, omni-no abjiciantur. Etiam quæ recipiuntur omnia, & ipsa proponantur breviter & strictè, ut nihil mi-nus sint quam verba. Nemo enim qui materialia ad Ædificia vel naves vel hujusmodi alias Struc-turas colligit & reponit, ea (Officinarum more) belle collocat & ostentat ut placeant; sed in hoc tantum sedulus est, ut proba & bona sint, & ut in Repositorio spatium minimum occupent. Atque ita profus faciendum est.

Secundo, non multum ad rem facit Luxuria illa Historiarum Naturalium in Descriptione & Pi-cturis Specierum numerosis, atque earundem Varietate curiosa. Hujusmodi enim pusilla Varieta-tes nihil aliud sunt, quam Lusus quidam Naturæ, & Lascivia, & prope ad Individuorum Naturam accidunt. Atque habent Peragrationem quandam in Rebus ipsis amorem & jucundam; Informationem vero ad Scientiam tenuem, & fere super-vacuum.

Tertio, missa plane facienda sunt omnes Nat-

rationes supersticiose (non dico prodigiosæ, ubi memoria earum reperiatur fida & probabilis, sed supersticiose) & Experimenta magia Ceremo-nialis. Nolumus enim Philosophie Infantiam, cui Historia Naturalis primam præbet mammam, fabulis animalibus alluscerere. Erit fortasse Temp⁹ (post-quam in Inquisitionem Natura paulo altius pene-tratum erit) hujusmodi res leviter percurrenti, ut si quid in illis factibus habeat virtutis Naturalis, ea extrahi & in usum condi possit. Interim sepo-nende sunt. Etiam Magia Naturalis Experimenta diligenter & cum severitate ventilanda sunt, ante-quam recipiantur; præfertim illa, quæ ex vulgaribus Sympathiis & Antipathiis magna cum loco-dia & facilitate credendi simul & fingendi, derivati folent.

Neque nil aut parum actum est in exoneranda Historia Naturali tribus his (quas diximus) rebus superfluis, quæ alias Volumina impletura fuissent. Neque tamen hic finis. Æque enim requiritur in Operi magno, ut tam ea quæ recipiuntur, succin-cte scribantur; quam ut superflua abscondantur; Licet nemini dubium esse possit, quin hujusmodi Calitas & Brevitas delectationem multo minor-rem tum Legentum Scribenti præbitur sit. Ve-rum illud semper inculandum est, hoc quod paratur, Horreum esse tantummodo & Promptuarium Rerum; in quo non manendum, aut habi-bitandum sit cum voluptate, sed eo deseeden-dum, pro ut res postulat, cum aliquid ad usum sumendum sit, circa Opus Interpretis quod suc-cedit.

IV.

IN Historia quam requirimus & animo destina-mus, ante omnia videndum est, ut late pateat, & facta sit ad menuram Universi. Neque enim ar-ctandus est mundus ad angustias Intellectus, quod adhuc factum est; sed expandendus Intellectus & laxandus, ad mundi Imaginem recipiendam, qualis invenitur. Istud enim, *Respicere paucā, & prouni-tuare secundum paucā, omnia perdidit*. Resumen-tes igitur Partitionem, quam paulo ante fecimus Historia Naturalis, (quod sit Generationum, Pre-tergenerationum, & Artium) Historia Generatio-num constituiimus Partes quinque. Sit prima, Æ-theris & Cœlestium. Secunda, Meteororum, & Regionum (quas vocant) Aëris; Tractuum vide-licet à Luna usque ad Superficiem Terræ; Cut etiam parti Cometas cujuscunque generis, tum sub-limiores, tum humiliores (unctione se habeat rei veritas) Ordinis causa assignamus. Tertia. Terræ & maris. Quarta, Elementorum (quæ vocant) Flammæ, sive Ignis, Aëris, Aquæ, & Terra. Ele-menta autem eo sensu accipi volumus, ut intelligantur non pro Primordiis Rerum, sed pro Cor-porum Naturalium massis majoribus. Ita enim Natura Rerum distribuitur, ut sit quorundam Cor-porum Quantitas, sive massa in Universo per quam magna; quia scilicet ad Schematum eorum re-quiritur Textura materiæ facilis & obvia; qualia sunt ea quatuor (quæ diximus) corpora: At quo-rundam aliorum Corporum sit Quantitas in Uni-verso parva, & parce luppeditata, propter Textu-ram materiæ valde dissimilarem & subtilem, & in plurimis determinatam, & organicam; qualia sunt Species Rerum Naturalium, metalla, Plantæ, Animalia. Quare prius Genus Corporum, Collegia

T

majora;

Ypir. May.

PARASCEVE, AD HISTORIAM

423

Physica

majora; posterius, *Collegia minora* appellare consuevimus. At *Collegiorum istorum Majorum* est Pars Historiae quarta, sub nomine Elementorum, ut diximus. Neque vero confunditur Pars quarta cum secunda aut tertia, in hoc quod in singulis mentionem Aëris, Aqua, & Terra fecimus. In Secunda enim & Tertia recipitur Historia eorum, tanquam Mundi Partium integralium, & quatenus pertinent ad Fabricam & Configurationm Universi; At in quarta continetur Historia Substantia & Naturæ ipsorum, quæ in singulis eorum partibus similaribus vigeat, nec ad totum refertur. Quinta denique pars Historiae *Collegi aminora*, sive *Species* continet; circa quas Historia Naturalis hæc etenim præcipue occupata est. *Historiam vero Prætergenerationum* quod attinet; jamdudum à nobis dictum est, quod illa cum Historia Generationum commodissime coniungi possit; ea scilicet, quæ sit prodigiosa tantum, & naturalis. Nam superstitionem Miraculorum Historiam (cujuscunque sit generis) omnino relegamus in Tractatum proprium; neque ipsum jam inde à principio suscipiendum, sed paulo post, quando altius in Naturæ Inquisitionem penetratum fuerit.

At *Historiam Artium*, & Naturæ ab Homine versæ & immutatae, sive Historiam Experimentalem, triplieem constitutum. Aut enim de prompta est ex Artibus Mechanicis; Aut ex Operativa parte Scientiarum Liberalium; Aut ex Practicis compluribus & Experimentis, quæ in Artem propriam non coaeluerunt; immo quæ quandoque ex vulgarissima Experiencia occurrunt, nec Artes omnino desiderant. Quamobrem si ex his omnibus quæ diximus, *Generationibus*, *Prætergenerationibus*, *Artibus*, & *Experimentis* confecta fuerit Historia; nihil prætermisum videtur, per quod sensus ad informandum Intellectum instrui possit. Neque igitur amplius intra Circulos paryos (veluti incantati) subsaltabimus, sed Mundi Pomæria circuitione æquabimus.

V.

Inter partes eas quas diximus Historiae, maximus est *Historia Artium*, propterea quod ostendat Res in Motu, & magis recta ducat ad Praxin. Quinetiam tollit larvam & velum à Rebus Naturalibus, quæ plerunque sub varietate Figurarum & Apparentia externe occultantur, aut obfuscantur. Denique Vexationes Artis sunt certe tanquam Vincula & Manicae Protei, quæ ultimos Materias Nixus & Conatus produnt. Corpora enim perdunt annihiliari nolunt; sed potius in variis Formas se mutant. Itaque circa hanc Historiam, licet Mechanicam (ut videri potest) & minus Liberalēm, (misla arrogantia & fatu) summa est adhibenda diligentia.

Rursus, inter Artes præferuntur ex, quæ Corpora Naturalia & Rerum Materialia exhibent, alterant, & præparant; ut Agricultura, Coquinaria, Chymica, Tinctoria; Opificia Vitri, Esmalta, Sacchari, Pulveris Pyri, Ignium Artificialium, Papryi, & hujusmodi. Jejunioris autem sunt usus, quæ præcipue consistunt in Motu subtili Manus, & Instrumentorum; quales sunt Textoria, Fabrilis, Architectura; Opificia Molendinorum, Horologiorum, cum similibus; licet & ista nullo modo negligenda sint, tum quia in illis occurunt multa, quæ ad Corporum Naturalium Altera-

tiones spectant; tum quia accurate informant de Motu Lationis; quæ res est magni prouersus ad plurima momenta.

Verum in Congerie universa istius *Artium Historiarum*, illud omnino monendum est, & penitus memoriae mandandum; recipienda esse Experimenta Artium, non solum ea quæ ducunt ad finem Artis, sed etiam quæ ullo modo interveniunt. Exempli gratia, quod Locusta, aut Cancri cocti, cum prius Colorem lutu referrent, rubescant, nihil ad mensam: sed hæc ipsa Instantia tamen non mala est ad inquirendam naturam Rubedinis; cum idem eveniat etiam in Lateribus coctis. Similiter, quod Carnes minori mora saliantur hyeme quam æstate, non eo tantum spectat, ut Coquus cibos bene & quantum sufficiat condit, sed etiam Instantia bona est ad indicandam naturam & impressionem Frigoris. Quamobrem toto (quod adjungit) celo erraverit, qui Intentioni nostræ satisfieri existimaverit, si Artium Experimenta colligantur hujus rei solum gratia, ut hoc modo Artes singulæ melius perficiantur. Licet enim & hoc non prouersus contentiam in multis; tamen ea plane est mens nostra, ut omnium Experimentorum Mechanicorum rivuli in Philosophia pelagus undeque fluant. Delectus autem Instantiarum in unoquoque genere eminentiorum (quas maxime & diligentissime conquirere oportet, & quasi venari) ex Prærogativis Instantiarum petendus est.

VI.

Resumendum etiam est hoc loco, quod in *Artibus Mechanicis* 99, 119, 120. Libri primi fuisus tractavimus: hic vero, Præcepti more, breviter imperare sufficiat: Hoc est, ut recipientur in hanc Historiam; Primo res Vulgarissimæ, quales quis supervacuum putaret scripto inferre, quia tam familiariter nota sunt; Dein, res Viles, Illiberales, Turpes; (*Omnia enim mundi mundi*; & si Luciferum ex Lotio boni odoris sit, multo magis Lucifer & Informatio ex re qualibet;) Etiam res Leves & Pueriles; (nec mirum; repuerascendum enim plate est:) Postremo, res qua nimia cuiusdam Subtilitatis esse videntur, quod in se nullus fuit usus. Neque enim (ut jam dictum est) quæ hac Historia proponentur, propter se congeta sunt: Itaque neque dignitatem eorum ex se metu pat est, sed quatenus ad alia transferri possint, & influant in Philosophiam.

VII.

Illiud insuper præcipimus, ut omnia in Naturalibus corporibus quam virtutibus (quantum fieri potest) numerata, appensa, dimensa, determinata proponantur. Opera enim meditamus, non Speculationes. Physica autem & Mathematica, bene commissa, generant Practicam. Quamobrem exactæ Restitutiones & Distantia Planetarum, in Historia Cœlestium: Terræ Ambitus, & Quantum occupet in superficie respectu Aquarum, in Historia Terra & Maris: Quantum compressionem Aëri patiatur absque fortis Antitypia, in Historia Aëris: Quantum in Metallis alterum alteri præponderet, in Historia Metallorum; Et innumeræ id genus perquirenda, & perscribenda sunt. Cum vero exactæ Proportiones haberi non possunt, tum certe ad Ästimationes aut Comparativas indefinitas configendum est. Veluti (si forte calculus Astronomorum de Distantiis diffidimus) quod

quod Luna sit infra umbram Terræ ; quod Mercurius sit supra Lunam ; & hujusmodi. Etiam cum mediae Proportiones haberri non possint , propo- nantur extreæ : veluti, quod languidior Magnes attollat Ferrum ad tale pondus , respectu ponderis ipsius Lapidis ; & quod maxime virtuosus , etiam ad rationem sexagcuplam ; quod nos in armato Magne admodum parvo fieri vidimus. Atque satis sicimus , istas Instantias determinatas non facile aut sepe occurrere ; sed in ipso Interpretationis curriculo , tanquam Auxiliares , quando res maxime postulat) debere exquiri. Verumtamen si forte occurrant , modo non progressum conficienda Naturalis Historia nimis remorentrur , etiam in ipsam eas inferere oportet.

VIII.

Fidem vero eorum , qua in Historia sunt reci- pienda , quod attinet ; necesse est ut illa sint aut fidei Certæ , aut fidei Dubiæ , aut fidei Damnatæ . Atque prius genus simpliciter est proponendum , Secundum , cum nota ; vid. per verbum *Traditur* , aut *Referunt* ; aut *Audiri ex fide-digno* , & hujusmodi . Nam argumenta Fidei in alterutram partem , nimis operosum foret ascribere : & proculdu- bio scribentem nimis remorabitur. Neque multum etiam refert ad id quod agitur : quoniam (ut in *Aphorismo 118. Lib. i. diximus*) fallitatem Experimentorum , nisi ea ubique scateant , veritas Axio- matum paulo post convincet. Attamen si Instantia fuerit nobilior , aut usu ipso , aut quia alia multa ex illa pendere possint ; tum certè nominandus est Author: neque id nude tantum , sed cum mentione aliqua ; utrum ille ex Relatione , aut Exscriptione , (qualia sunt fere , quæ scribit *C. Plinius*) aut po- tius ex Scientia propria illa affirmaverit ; atque etiam utrum fuerit res sui temporis , an vetustior ; insuper , utrum sit tale quippian , cuius necesse for- tet ut multi essent testes , si verum foret ; denique , utrum Author ille fuerit vaniloquus & levis , an so- brius & severus ; & similia , quæ faciunt ad pondus Fidei. Postremo res Damnata fidei , & tamen ja- cetas & celebratas , quales , partim neglectu , par- tim propter usum Similitudinum , per multa jam saecula invaluerunt . (veluti , quod Adamas liget Magnetem , Alium enervet ; Electrum omnia trahat præter Ocynum ; & alia multa hujusmodi) oportebit non silentio rejecere , sed *verbis expre- sis proscribere* , ne illa amplius Scientiæ molesta sint.

Præterea non abs re fuerit , si forte Origo Van- titatis aut Credulitatis aliqui jus occurrat , illam nota- revoluti , quod herbae Satyrio attributa sit vis ad excitandam Venerem , quia Radix scilicet in figura testiculorum efformata sit : Cum revera hoc fiat , quia adnascit annis singulis nova radix bul- bosa ; adhærente radice anni prioris ; unde Didymilli. Manifestum autem hoc est , quod nova Radix semper inveniatur solida & succulenta , vetus emarcida & spongiosa. Quare nil mirum , si altera mergatur in aqua , altera natet : Quod tamen pro re mira habetur , & reliquis ejus Herbae virtutibus autoritatem addidit.

IX.

Superfunt Additamenta quædam Historia Natu- ralis utilia , quæque eam magis commode in- flectere & aptare possint ad opus *Interpretis* , quod succedit. Illa quinque sunt.

Primum , *Quæstiones* (non Causatum dico , sed Fa- cti) adjicienda sunt , ut inquisitionem ulterio- rem provocent & sollicitent : ut , in Historia Terræ & Maris , Utrum Mare Caspium fluat & refluat , & quali horarum (patio) ; Utrum sit aliqua Continens Australis , an potius Insula ; & similia.

Secundo , in Experimento aliquo novo & sub-tiliore , addendus est modus ipse Experimenti , qui adhibitus est : ut liberum sit hominum judicium , utrum Informatio per Experimentum illud sit ri- dum aut fallax , atque etiam excitetur hominum Industria , ad exquirendos Modos (si fieri possit) magis accuratos.

Tertio , si quid subsit in aliqua Narratione dubii vel scrupuli , id supprimi aut reticeri omnino no- lamus ; sed plane & perspicue ascribi . Notæ aut Monitiloco . Cupimus enim , Historiam primam , veluti factum Sacramento de veritate ejus in linguis , religiosissime conscribi ; cum sit Volumen O- petum Dei & (quantum inter Majestatem Divi- norum , & Humilitatem Terrenorum collationem facere liceat) tanquam Scriptura altera .

Quarto , non abs re fuerit Observaciones quan- doque alpergere ; id quod *C. Plinius* fecit ; veluti in Historia Terræ & Maris ; Quod Terrarum fi- gura (quatenus adhuc cognita est , respectu Maris , sitad Austrum angusta & veluti acuminata , ad Septentriones lata & ampla ; Marium , contra : Et quod Oceanii Magni interfecent Terras alveis exporrectis inter Austrum & Septentriones , non inter Orientem & Occidentem , nisi forte in extre- mis Regionibus Polaribus . Etiam Canones (qui nil aliud sunt quam Observationes generales & Catholicæ) optimè ascribuntur : veluti in Historia Celestium ; Quod Venus nunquam distet à Sole plus partibus 4.6 Mercurius , 23. Et quod Planetæ , qui iuxta Solem locantur , tardissime moveant ; cum longissime à Terra absint : Planetæ infra So- lem , celeriter . Aliud insuper Observationis genus adhibendum ; quod nondum in usum venit , licet sit haud exiguum momenti . Illud tale est : nempe , ut subiungantur iis qua sunt , ca quæ non sunt . Veluti , in Historia Celestium , Quod non inveniatur stella oblonga vel triangularis ; sed quod omnis stella sit globosa : vel globosa simpliciter , ut Luna ; vel ad aspectum Angulata , sed in medio globosa , ut reliqua Stellarum ; vel ad aspectum , comata , & in me- dio globosa , ut Sol : Aut quod Stellarum nullo prorsus spargantur ordine ; ut non inveniatur vel Quin- cunx , vel Quadrangulum , nec alia Figura perfectæ (utcunque imponantur nomina Delta , Corona , Crucis , Quadrigatum , &c.) vix etiam linea recta , nisi forte in Cingulo & Pugione Orionis .

Quinto , juvabit fortasse nonnihil queren- tem , quod credentem prorsus pervertat & perdat : vid. ut Opiniones , quæ nunc receptæ sunt , cum earum Varietate & lectis , brevi verborum com- plexu , & tanquam in transitu recenseantur ; ut Intel- lectum vellicant , & nihil amplius .

X.

A Tque hæc sufficient quatenus ad Præcepta generalia : quæ si diligenter obseruentur , & fi- nem rectam petet hoc Opus Historia , nec excrescat supra modum . Quod si etiam prout circumscribi- tur & limitatur : vaustum Opus alieni pusillanimo videri possit ; si in Bibliothecas oculos convertat ; & , inter alia , Corpora Juris Civilis aut Juris Can-

427

nici ex una parte spectet, & Commentarios Doctorum & Jurisconsultorum ex altera; & videat quid interlit quoad molem & Volumina. Nobis enim (qui, tanquam Scribae fideles, leges ipsas Naturae, & nil aliud excipimus & conscribimus) brevitas competit, & fere ab ipsis Rebus imponitur. Opinionum autem, & Placitorum, & Speculacionum, non est numerus neque finis.

Quod vero in Distributione Operis nostri mentionem fecimus *Cardinalium Virtutum* in Natura; & quod etiam horum Historia, antequam ad Opus Interpretationis ventum fuerit, perscribenda eset; hujus rei minime oblitus sumus, sed eam nobis ipsis reservavimus: cum de aliorum Industria in hac te, priusquam homines cum Natura paulo arctius consuefere incepirent, prolixe spondere non audeamus. Nunc itaque ad Delineationem Historiarum Particularium veniendum.

Verum, prout nunc negotiis distringimur, non ulterius suppet otiū, quam ut Catalogum tantum Historiarum secundum Capita subjugamus. Enimvero cum primum huic rei vacare possumus, consilium est, in singulis, veluti interrogando, docere, qualia sunt circa unamquamque Historiarum illarum potissimum inquirenda & conscribenda, tanquam ea quae ad finem nostrum faciunt, instar Topicorum quorundam particularium: vel potius, ut (sumpio exemplo à Causis Civilibus) in hac *Vindicatione magna sive Processu*, à favore & providentia divina conceclo & instituto, (per quem genus humanum Jus suum in Naturam recuperare contendit) Naturam ipsam & Artes super Articulos examinemus.

CATALOGUS
HISTORIARUM
particularium
Secundum Capita.

- 1 *Historia Cœlestium; sive Astronomica.*
- 2 *Historia configurationis Cœli & partium ejus, versus Terram & partes ejus; sive Cosmographica.*
- 3 *Historia Cometarum.*
- 4 *Historia Meteororum ignitorum.*
- 5 *Historia Fulgorum, Fulminum, Tonitrum, & Cornutum.*
- 6 *Historia Ventorum, & Flatuum repentinorum, & undulationem Aeris.*
- 7 *Historia Iridum.*
- 8 *Historia Nubium, prout superna conspicuntur.*
- 9 *Historia Expansionis Corulez, Crepusculi, plurius Solium, plurium Lunarum, Halonium, Colorum variorum Solis & Lune; atque omnis varietas Cœlestium ad aspectum, que filtratione Mediis.*
- 10 *Historia Pluviarum ordinariarum, procellosarum, & prodigiosarum; etiam Cataractarum (qua vocant) Cœli, & similiū.*
- 11 *Historia Grandinis, Nivis, Gelu, Pruine, Nebulae, Roris, & similiū.*
- 12 *Historia omnium aliorum cadentium sive descendentium ex alto, & superne generatorum.*
- 13 *Historia Sonum in alto (si modo sint aliqui) prater Tonitrua.*
- 14 *Historia Aeris, in Toto, sive in Configuratione Mundi.*
- 15 *Historia Tempestatum, sive Temperamentorum*

428

Anni, tam secundum variationes Regionum, quam secundum accidentia Temporum, & periodos Annorum, Diluviorum, Fer vorum, Siccitatum, & similiū.

- 16 *Historia Terra & Maris; Figure & Ambitus ipsorum, & Configurationis ipsorum inter se, atque Exportationis ipsorum in latum aut angustum; Insularum Terra in Mari, Sinuum Marii, & Lacuum salinarum in Terra, Isthmorum, Promontiorum.*
- 17 *Historia Motuum (si qui sint) globi Terra & Maris; & ex quibus Experimentis illi colligi possint.*
- 18 *Historia Motuum majorum & Perturbationum in Terra & Mari; nempe Terra Motum & Tremorum & Hiatum, Insularum de novo enascientium, Insularum fluctuantium, Abruptum Terrarum per ingressum Maris; Invasionum & Illusionum, & contra Desertionum Maris; Eruptionum Ignis & Terra, Eruptionum subterranearum Aquarum e Terra, & similiū.*
- 19 *Historia Geographica Naturalis, Montium, Vallium, Sylvarum, Planitierum, Arenarum, Paludum, Lacuum, Fluviorum, Torrentium, Fontium, & omnis diversitatis scaturigenum ipsorum, & similiū: missi Genibus, Provinciis, Vrbibus, & huiusmodi Civilibus.*
- 20 *Historia Fluxum & Refluxum Maris, Euphorum, Undulationum & Motum Maris, aliorum.*
- 21 *Historia ceterorum Accidentium Maris; Salsuginis, Colorum diversorum, Profunditatis, & Rupium, Montium, & Vallium submarinorum, & similiū.*
- 22 Sequuntur Historiae Massarum majorum.
- 23 *Historia Flammæ, & Ignitorum.*
- 24 *Historia Aëris, in Substantia, non in Configuration.*
- 25 *Historia Terra & diversitatibus ejus, in Substantia, non in Configuration.*
- 26 Sequuntur Historiae Specierum.
- 27 *Historia Metallorum perfectorum, Auri, Argenti, & Minerarum, Venarum, Marcassitarum corundem: Operaria quoque in Mineris ipsorum.*
- 28 *Historia Argenti Utri.*
- 29 *Historia Fossilium; veluti Vitrioli, & Sulphuris, &c.*
- 30 *Historia Lapidum; ut Marmoris, Lapidis Lydi, Silicio, &c.*
- 31 *Historia Magnetis.*
- 32 *Historia Corporum Miscellanearum, que nec sunt Fossilia prorsus, nec Vegetabilia; ut Salum, Succini, Ambra-grisea, &c.*
- 33 *Historia Chymica circa Metalla & Mineralia.*
- 34 *Historia Plantarum, Arborum, Fruticum, Herbarum: & Partium eorum, Radicum, Caulium, Ligni, Foliorum, Florum: Fructuum, Seminum, Lachrymarum, &c.*
- 35 *Historia Chymica circa Vegetabilia.*

36. H.